

MUSIKA BILDUMAREN BERTSOAK

Lan honen asmoa ez da inondik ere Iztuetak bildu zituen bertsoen azterketa egitea. Baina hala ere bertso gisan eta gaurko ortografiaz azaltzea komeni zela iruditu zait.

Iztuetaren lanaren **Aprobazio** edo **Onespena** Azkoitiako erretoreak, Jose Ramon Elorzak egin zuen. Eta bertan zentsura bakarra azaldu zeun: *"Solo hallo un reparo, que no me parece pertenece al fin principal de ella, sino á lo mas, á su perfección accidental. Hablo de varios versos, que cantados en una taberna ó en medio de un grupo de gentes que generalmente concurren a oirlos sería poco el escándalo que podían causar, pero estampados en un libro dado á la prensa, repasados y estudiados por la incauta juventud, y cantados con frecuencia entre jóvenes sencillos, acarrearían mucho daño por los equívocos sentidos de muchos de dichos versos, que á la simple lectura ofenden el pudor y la honestidad. Así sobre ellos soy de sentir, que si el autor los considera por parte esencial al fin y obgeto principal de la obra, sustituya otros indiferentes que no sean de materias de amor, y cuando no, los borre de la obra todos los que van anotados con una manecilla al márgen de cada uno de ellos"* (1)

Bertso haiek nolakoak ziren ez dakigu salbuespen txiki bat izan ezik. Aita Donostiak aurkitu zuen **Azalandare**-ren azkeneko jatorrizkoa:

JAKIN DET BAITET NIK,
BESTEGANDIK IXILIK,
DITUZULA IDUKI,
ETXEAN GORDERIK
ANIMA ERRATU BI
HILEN JANTZIAREKIN.
NAZKATZEN NAIZ NI
HITZ EGITEA ZUREKIN (2).

-
- (1) Iztueta, Juan Inazio. G. D.G.K. Euskal Editoreen Elkarte. Donostia, 1990. 45-46. o.
- (2) Aita Donostia, "Ensayo de Bibliografía Musical Vasca" *Obra Literaria*. Donostia, 1985. I, 312. o.

Baina bai kendutakoak, bai argitara emandakoak, gehienak Iztuetak berak sortu zituela garbi dago. Uste hortakoak dira behintzat Nikolas Ormaetxea, **Orixe** (3) eta Jose Garmendia Arruabarrena (4). Baita neroni ere. Eta oso balio eskasekoak dira. Ez dute herri poesiaren testigantzarik ematen. Eta alderdi literariotik begiratuta eskasak dira. Hona Manuel Lekuonaren iritzia: "*Me he llevado un poco de desengaño con las letras de Gipuzkoako Dantzak (...) me había imaginado que el zaldibitarra habría puesto **más gatz eta piper** en la sustitución de las letras originales*" (5).

Inork irakurri nahi baditu, beraz, hemen ditu eta badaki zer aurkituko duen.

-
- (3) "Iztueta y sus Canciones" **Euskal Esnalea**, 1931. XXI, 19-16. o.
- (4) **Iztuetaren Olerkiak**, Kardaberaz Bilduma, 1978. Egile honek berak bide beretik datozen beste lekukotasunak bildu ditu **Iztueta, Dantzarien Maisu eta Miszelanea**, argitaratu gabeko lanean.
- (5) M^a Jose Ezeizabarrenak aipatua. G.D.G.K.-ren sarreran. 26.o. Ohar batean.

KUARRENTAKO ERREGELA

KUARRENTETATIKAN
NAHI NITUZKE NIK
NERE IXIL GAUZAK
ARGITARATU.
NERE JANGOIKOA
ZUK ERAKUSTAZU
ZER EGIN,
NOLA HITZEGIN.

LAGA NITUEN NIK
NERE IXIL GAUZAK
MAITETXO BATENGAN:
SAIATU BEHAR DET
JAKITERA
MUDATU OTE DAN.

TRISTE DAUKAT BIHOTZA,
NERE LAZTANA,
ZUGAITIK
ZER EGIN EZ DAKIT;
ERREMEDIA NAZAZU
PENA HONETATIK.

AINERUTXOA,
JARRI ZINADEN
BIHOTZ NEREAN BETIKO,
HALA DERITZAT NEREKIKO.

DAMU DET BESTEK ERAMATEA
ZU BIHOTZ NERETIKAN
EZ DERITZAT MUDATUKO ZERALA
ORAINGO FEDETIKAN.

AINERUTXO HONI
ESANAZ NAGO BETI:
BIOK ALKARREKIN
BEHAR DEGULA BIZI.

SARTU ZAIT BIHOTZEAN NEURGANA
ETA EZIN APARTATU;
ZER EGIN
ERAKUSTAZU.

EGIN DET AHALEGINA
SARTU ZAT ZURE MINA
EGUN DA SANTA SEKULAKO,
NERE AINGERU PINA

AI! HAU PENAREN HAUNDIA!
ESAN DEZADAN EGIA,
ZABALA DAGO ZURE BEGIA
NERE PENA GUZIEN KONSOLAGARRIA.

ERRAMUREN MEZPERA EZKEROZTIKAN
EZ ZERADE NERE MAITE POLITA
BEHIN ERE ATERATUKO
NERONEN BIHOTZETIKAN.

BIHOTZEAN SARTUTA
EZIN APARTATU
ARREN, KONSOLA NAZAZU.

BETI PENAZ, OI! NAGO URRIKI,
HEL ZAIZKIT ZERU ALTUA;
ZERORREK ONDO DAKIZU
NERE TRABAJUA.

NERE BURU GUZIA
GALDURIKAN
NI HEMEN NAGO;
ERREMEDIO ON BAT, ARREN,
INDAZU NIRI
HIL BAINO LEHENAGO.

ESPERANTZA DADUKAT NIK,
MAITEA, ZUGANDIK,
SENDATUKO NAZULA
MIN HONETATIK.

NERE MAITEAK
EZAGUTZEN BAITU
DARAMAIZKIDANA
PENA HANDIAK;
ADITZERA EMATEN
HASI DIRADE
NOIZBAIT HAREN BEGIAK.

NERE MAITEA EZ BADA, ARREN,
GEHIAGO EGIN NEGARRIK;
ZURE SUSPIRIOAK NEURI
BIHOTZA ERDIRATZEN DIT.

BOSTETAN ESAN DIZUT
NIK ZURI
BIHOTZ NEREKO BERRI.

NERE HITZAREN JABE NAGO TA
BADAKIZU EZ DIRANA BI;
BERAGATIKAN ZOR DIZKIRATZU
GRAZIAK PARTIKULARKI;
ASPALDI DA ESAN NIZULA
ZURETZAKO NENGOELA NI.

SAN SEBASTIAN

ARDOAK PARA GAITU
KANTARI BI ETA DANTZARI;
EZ GAITUK MUTILOK EGARRI
EZ HORI SEGURKI.

GURE KONDIZIOAK BETI
TABERNARAKO
ESKEAN GURE FINAK
BERDIN BEHARKO.

EZIN FALTATU,
KONDIZIOAK GUK
ONAK DITUGU.
GOIZEAN JOATEN GERA
TABERNARA
ETA ARRATSEAN
BERANDUAN ETXERA
GEROK JOATEN GERA.

BAINAN HALERE BETOR ARDOA,
EDAN DEZAGUN
ETA GAUDEN ALEGRE.

ATZO ETA EGUN
TA HERANEGUN ERE BAI
IZANDU DIAGU
HERRIAN JAI.

TABERNAN BETI
SARTURIK GAUDE
EDANAZ ARDO GORRITI
ORDITU GABE, ZUTI.

ARROPEA ZAHAR
ETA EZTARRIA GARBI
ZORRA FRANKO BAI
BAINA HARTZEKO GUTXI.

BART GURE ETXEAN HASERRE
BATZUETAN BAI NEURE ERE;
EZ ORAIN BERE;
GAUDEN ALEGEREMENTEAN,
EGONGO GERADEN ARTEAN,
LEKU BATEAN,
PITXAR ALDEAN,
BERDIN GURE FINAK
BEHARKO DIK
HOSPITALEAN.

HAU DA SAN SEBASTIAN
ORAIN DANTZA GAITEAN,
IA GOAZ ERDIAN AURRERA.

DANTZAN DABILENAK
ARIN ZETIK OINAK
BALDIN EZPADITU OINAK ARINAK
EZ DU LUZITZEN,
BAINAN HORREK EDERKI DIK DANTZATZEN.

ARDOAREN BENTAJAK
HAIN DIRADE HAUNDIAK GURETZAT
GURE BIHOTZAK,
ARDORIKAN EDAN GABEZ
ZEAUDEN HOTZAK.

ATZO GOIZEAN TABERNAN
ONGI NEURRIA
EDAN NUEN
TXOPIN ERDIA.

ESAN BEHAR DET EGIA
HARETXEK HIL ZIRAN
NEURI EGARRIA.

ZORIONEAN NINTZAN
MUNDURA NI JAI
ZERGATIK DERAN NAHIAGO
ARDO GORRI NAFARRETI
ANDREA BAINO.

ARDOA TA KARTAK
DITUT ADISKIDE;
EZ DET NIK
BESTE MAITERIK.

EZ DET BEHARRERAKO
AFIZIORIK, ALERIK:
ARDOAK NADUKA
ENAMORATURIK.

ARDORIK EZ BADA
NERONEN BIHOTZA
GELDITZEN DA MOTEL
ETA HIL HOTZA.

LUZATU LIKET
BIZIAK
NERETZAT BALIRA
ARDO GUZIAK.

GALANTAK

DAMA GAZTE GALANT BAT
IKUSI DET BART ARABAKETAN
ENGAINATUTZEN NAUELA
BERE USTETAN,
EZ NAIZ FIATUKO BERRIZ
HARREN HITZETAN.

MAITE NAUELA ANIZ
ESAN IZAN DIT ASKO ALDIZ.

DAMA GAZTE GALANT HONI
NAHI IZAN DIOT ONGI ORAINDAINOKOAN:
GAU ETA EGUN IDUKITU DET GOGOAN.

MAITE NINDUZULA ANIZ
BIHOTZ BIHOTZETIK;
ESAN DIDAZU ASKOTAN
ZERORREK JAKINGO
BAITEZU ZERGATIK.
AINGERUTXOA, NAHI DITUZU
BESTEAK BAT BEZALA ZUK BI.

NAHI BADEZU EGIN
MAITE BIREN JABE
GELDITU ZINTEKE
BADA BAT ERE GABE.

GALAI ALAIA NIK NAHIA.
-ZERADE ZU BETI-
IDURIPEN GAIZTOAK
KENDU BEHAR DIRA BURUTIK:
MUNDUAN DIRADEN GIZONAK
UTZIKO DITUT NIK ZUGATIK
BALDIN NAHI BANAZU NI.

GALAI GAZTEA,
ZU PENATURIKAN IKUSTEA
BADAKIZU DALA
NERETZAKO HILTZEA
EGIZU GAUZA HOEK
BURUTIK UZTEA.

ATOZ,
NERE ALDAMENERA ZAITEA
BIHOTZETIK EZ ZAITUT
UTZIKO NERE MAITEA.

DAMA GAZTE, BEGI ARGIA
ESATEN BANAZU EGIA
ZUREA IZANGO NAIZ BETI
HITZA EMATEN BANAZU
BIHOTZETIK;
BEGIRA ORDEAN
NIRI BESTEREKIN IBILI JOSTATZEN
HALAKORIK EZ ZAIT GUSTATZEN.

TXANTXAKAK

TXANTXANTXO GAZTE POLIT BAT
MAITATZEN DET ASPALDIAN
BERA BEZELAKORIKAN
EZ DAGO HERRIAN.

GORPUTZ GALANTA DU EGOKIA,
ILEA GUZIZ LODIA,
BEGI BELTX ALAIAK, GERRI LIRAIN,
EZPAINA, TXIT GORRIA.

GALAI GAZTE ANIZ
DAMATXO HONEN ONDOREN DABILTZ
GAU TA EGUN;
BESTE BAT HALAKORIK
EZ BAITAGO INUN:
EDERRA DA SEGURKI,
BERAK ERE BADAHI;
BIZIA GALDU LEZAKE
EDO ZEINEK HARGATI.

ENGAINATURIK GADUZKA
BESTE ASKO ETA NI.
GAZTETANIK DU AINGERUTXO HONEK
GUZTIZ ASKO IKASI
ALDAMENEAN, BETI NAHI DITU
ABERATSAK IKUSI.

AINGERU HAU ETA
BESTE LAU GALAI GAZTE
ARRATS BATEAN
POLIKITXO ETA GOZOTXO
ZEUDEN ALKARREN ALDEAN.

HITZ EGITEN ZIOTEN EDERKI,
BAINAN EZ DAKIT
MAITE OTE DUTEN BIHOTZETI.

ZURE ONDORENDIK
DABILTZAN GALAI GAZTEAK
BALDIN BADIRADE
ETXE ONEKO SEMEAK
BEREN IDEKOAK
NAHIKO DITUZTE EMAZTEAK.
ZU UTZIRIK HARTUKO DITUZTE BESTEAK.

MAITE ZAITUZTELA
ESANAGATIKAN ZURI
JOANGO ZAIZKITZU

ITZULI.

EZKONTZEKO FIRME
EMAN ARREN HITZA
GALAI ABERATSAKIN
KONTUZ ZABILTZA.

IZAN ZENZAKE MINA,
ORAIN EZ BADA ERE BAI GERO
ADISKIDE HORIEK EGINA.

NAHI DIZUTELA ASKO
ESANGO DIZUTE BETI
BAINAN EZ NIK BEZELA
BIHOTZ-BIHOTZETIK.

GALAI MAITAGARRIA,
HIRU URTE HONTAN
BADAKIZU BAI
NERE BARRENGO BERRIA.

NAHI DIZUT ASKO
BIHOTZ-BIHOTZETIK
EZ DET INOR
ZU BESTE MAITERIK.

GAU ETA EGUN BETI
ZAUZKAT GOGOAN
ZU BESTE MAITERIK
EZ DET MUNDUAN.

GALAI ABERATS GUZI
GUZIAK DITUT UTZI
ZERGATIK NAHI DEDAN
ZUREKIN BIZI.

OROITZEN NAIZ ONGI
NOLA ESATEN NIZUN
ARRATS BATEZ GEUNDELA
BAKARRIK
HITZ EGITEN GELAN
ZU TA NI,
BESTE GUZIAK BAINO
ASKOZ MAITEAGO
IZANGO ZINDUZTALA
BETI, BETI.

EHUN DUKATEKOA

EHUN DUKATXO
BANITUEN BADA NIK
ORAIN BI URTE
NERE AITAK EMANIK.

ERDIAK MAITEARI
NIOZKAN EMAN,
ETA BESTE ERDIAK
EDAN ETA JAN.

EZ DET ORAIN BAT ERE:
HORRENGATIKAN MAITEAGANA
JOAN NINZAN BART ERE,
JOANGO ERE BAI
NERE MAITE POLITAK
BALDIN BADU NAHI.

NOLA NAHIKO EZ DET BADA NIK,
MAITEA, ETORTZEA ZU
BALDIN ZURETZAKO
IZAN BEHAR BANAZU.

BETRONIO TXIKIA

BETRONIO,
ZU DIRUAK AITUAGATIK
MAITE ZAITUT BADA
BIHOTZ-BIHOTZETIK.
BALDIN ZUK NI HALA
NAHI BANAZU IZAN
JAINKOAREN LEGEAK
AGINTZEN DUEN GISAN
ZURE EMAZTE IZATEKO
JAIO NINTZAN.

BETRONIO HAUNDIA

BETRONIOK
PEPATXORI
DIO
BIHOTZETIK AMORIO.

ZU ZARA BRETONIO HAUNDIAREN
TXATXANTXO PINA.
BESTEK ERAMATIA
IZANGO NUKE NIK MINA.

HAURRA MAITEA,
ZEROREK DAKIZUNA DA
GAUZARIKAN HOBERENA
DALA GIZONA,
INDARRAK BERAK DITUANA,
BADAKIZU BADA
NAHI IZATEKO DANA,
HARGATIK DIZUT NIK
ADITZERA EMATEN
BIZI BEHAR DEGU
ALKAR AMATZEN.

AZALANDARE

AZALANDARE SALTZERA
MAITEA,
ZINAN ETORTZEN,
BEGIAK ARGI ETA
KOLOREA GORRI.

NAHITASUN HAUNDIA ZENIDALA
SINISTU NUAN EGIA ZALA,
BAINAN GEROZTIKAN JAKINDU BAITET NIK
BESTEGANDIKAN IXILIK
EZ DIRAZULA NAHIKO
EZ BADET DIRURIK
BANEKIKE SEGURKI
HORI DALA EGIA,
PENAZ HIL NAIZALA NI
ZENDUKE BERRIA.

ERREGELA ZAHARRA

ATSEKABE GAIZTO BAT
DADUKAT BIHOTZEAN;
ERITZEN NAU, MAITE,
ZUZAZ OROITZEAN:

EGUNAZ ETA GABAZ,
ORDU GUZIETAN,
NAHI NUKE KENDU BAINA
GELDITZEN ZAIT BERTAN.

HAR GAIZTO HAU PORTITZA DA
ZULATUTZEN NAU LAZKI,
URTEBETE HONETAN
NARABIL TXIT GAIZKI.

EZIN JAN, EZIN EDAN,
EZIN LORIK EGIN,
NERE BARRENGO KORDE
GUZIETAN DET MIN.

GAITZ HAU KENTZEKO ZERA
MAITIA SENDAKIN.

AINGERUTXOA, BADA KIZU
MIN HAU NONDIK DATORREN,
GALKITATUAGO EZ DEDIN,
SENDA EGIDAZU ARREN.

LEHEN BAINO LEHEN
GUZTIA EZPADA
ERDIA BEDEREN.

HIL BEHAR DET BESTELA
EGUN GUTXI BARRU,
AURKITUTZEN NAIZ IA
EZ MAMI TA EZ LARRU
HAINBESTE BIGUNTASUN
NERE MAITEAK AHAL DU,
MUGA ALDIA ON HAU
GALDU NAHIKO EZ DU,
BERETZAT IZATEKO
USTERIKAN BADU.

ZURI HITZ EGIN ETA LASTER

ESAN NIOTEN AITA-AMAI
ZU BEHAR ZINDUZTADALA
BALDIN BAZUTEN NAHI.

BATA BEZELA MINZATU
ZITZAIDAN BESTEA,
ZU IZANGO ZINALA
NERE EMASZTEA.

HAIEN BORONDATEA ZALA,
ZUK NAHI BAZENDUEN HALA.

ADIERATZO NIZUNEAN
NIK HAIEN BORONDATEA,
NAHITASUNA AGERTU ZENIDAN,
NERE MAITE-MAITEA.

GEROZTI IZAN DEZU
ALDAIRA HAUNDIA,
NAHI BADEZU ESAN EGIA,
ORDUAN ALAIAGO ZENIDAN
IFINTEN BEGIA,
BESTERI NAHI DIOZULA
HARTU DET BERRIA.

HUTSIK AURKI GELDI ZINTEZKE,
AINGERUTXO GAZTEA,
NI SEGURU NAUKAZULARIK
NAHI BADEZU BESTEA.

ESAN BEHAR DIRAZU BERTAN EGIAZKI
BALDIN NAHI BADIARAZU NIRI,
EMAN BEHAR DIOZU
ETSIMENA BESTEARI,
EZIN IZAN ZINZEKE
INOLAZ ERE BI.

GALAI GAZTEA ENGAINATURIK
AURKITUTZEN ZERADE,
EZ DET MAITE INOR BESTERIK,
ZU ZERADE NERE JABE.

IDURIPENAK DIZKITZU
EMAN NAHITASUNAK;
EZ DET MAITERIK INON
BAIZIK EZAGUNAK,
INOIZ EGINAGATIK
HOEKIN JARDUNAK,
BADAKIZU DIRANA

ZURE GAZTE LAGUNAK.

IZAN ZAITEZ GIZON,
ZU HANBAT MAITE DERANIKAN
EZ DET BADA NIK INON.

USTE BALDIN BADEZU
BESTERENA NAIZALA,
ENGAINATURIK ZAUDE,
EZ NAIZ BADA HALA.

HITZA EMAN NIZUN
ETA NAHI NUKE ORNITU
JOSTAKETARA EZ NAIZ OHITU,
HAIN GUTXI BESTEK HITZA
ZUK BAIZIK KOJITU.

EHUN DA BIKOA

SOINU HONEN PUNTUBAK
DIRA EHUN TA BI.
ADIZKIDE BATI
BESTE HAINBESTE DUKAT
EMANIK NAGO NI.
NERE USTEZ AURKITZEN DA
PAGATURIKAN ONGI,
GEHIAGO BEHAR BALDIN BADU,
ESATEN DIOT HORRI,
ESKATU NAHI BADIO
BADUELA NORI:
LANGAI HORRETATIK LIBRE
ARKITZEN NAIZ NI.

NAHITASUNIK BALDIN BADIO
BADU BIDERIKAN ASKI,
EMATEN BADIZU NIK HAINBAT
EZTA IZANGO TXIT GAIZKI.

NAHI DEZUNEAN ATOZ
HARTZEKOEN ESKE,
NIK BADET HAINBESTE,
BIDEZKOA DEZULA
BALDIN BADEZU USTE,
ZORRAK GEROKO UTZI GABE,
PAGATU NAHI NITUZKE,
LEHENGOAK EMAN NIZKITZULA
ORAINTXEN DA BI URTE,
ETXEAN BANEUZKA GAUR
NAHIAGO NUKE;
HALA ERE BETI
IZANGO ZAITUT MAITE.

AMOREA MARGARITATXO

AMOREA, MARGARITATXO,
NOLA ZAGOZ TRISTERIK,
ZAGOZ ALEGERERIK!

ZU HORRELA IKUSTEA
EZ DET NIK ATSEGIN,
NAHI BADEZU JAKIN.

ATSEKABERIK ASKO
ZU IKUSTEAN NIK,
OHI DARAMAT MAITEA,
BIHOTZEAN IXILIK.

BAINAN ALFERRIK.
JAKINEAN AURKITUTZEN NAIZ
EZ ZAUDELA NERETZAT
BAINAN EZIN AHAZTU ZAT.

PUNTA MOTZ

GURE AKERRAK DITU
PUNTA BIAK MOTZAK,
ZERREN GALDU ZIOZKAN
NEGUKO IZOTZAK.

AKER GALANTA DA TA
GUZIZ EGOKIA,
DAMURIK IKUSTEN DET
PUNTAK EBAKIA,
ALFERRIK EMATEN DIOZKAT
JANA ETA JAKIA.

ERRIBERA

ERRIBERAREN ALABA
KOLORE GORRIA,
EDERKI DANTZATZEN DEZULA
ZABALDU DA BERRIA;
PLAZAN IKUSI NAHI ZINDUZKET
TXATXAN MAITAGARRIA.

DEITUKO ZAITUT BADA
URRENGO JAIEAN
SERBITU NAHI BANAZU
BEHAR DAN GAIEAN
NERE POZKIDA AURKITZEN DA
DAMA, ZURE NAHIEAN.

HONDARRABIA HAUNDIA

HONDARRABIAN DAUDE
DANTZARI BI EDERRAK,
EZAGUTZEN DITU BERNARDAK;
DANTZARA EZ BADUTE
ERAMATEN BERAK,
GAJO HONEK EGITEN DITU
BENAZGO NEGARRAK.

BATA DA MARTIN
ETA BESTEA PATXIKO;
HAU EKUSI GABETANIK
EZ LUKE ETSIKO.
SOINU ZAHARRETAN ERE
DANTZARIAK DIRA;
ZORATURIK DAGO BETI,
BERDARDA HOIEI BEGIRA.

HONDARRABIA TXIKIA

FELIPE BOSTGARRENA
ZANEAN ETORRI
ESPAINIARA AGINTARI,
IRUNEN DANTZATU ZAN
PATXIKO TXIKIA;
HARRITU ZUEN JENDE GUZTIA.

HARREN DANTZATZEKO
JAKINDURIAK,
POZKIDATU ZITUEN
ESPAINIAKO GIZON HAUNDIAK.
ERREGE MAITE DU HONDARRABIAK.

NAPARTXO

NAPARROATIK ETORTZEN DA
ARDO GORRI GOZOA;
HARTXEK KONSOLATZEN DIT
NIRI BIHOTZ GAXOA

BIZIKAI ONA BAITA GUZTIZ,
EROSTEKO DIRUA BALITZ,
EDANGO NUKE ASKO ALDIZ,
NAIZ ETXERA ERAMAN ZALDIZ.

EZ DET ABERERIKAN,
DIRURIKAN HAIN GUTXI,
BAINAN, ADISKIDE
TABERNAKO LUZI,
EZ NEZAKE BADA NIK
EDAN GABE UTZI,
ZERGATIK BERAK NAUEN BIZI.

ARDORIK EDAN GABE
NAGOEN EGUNA,
EDURITZEN ZAIT BADA NIRI
DALA GUZIZ ILUNA.
PITXARRA ONGI BETE BEDI,
ETA SARRITAN EMAN
EDATERA NIRI;
BIHOTZA AURKITZEN ZAT
MOTEL ETA ERI.

ORMATXULO

ORMATXULO BATETIK
GAU BATEAN IGESI;
ARRATOI BELTZ HANDI BAT
NUEN NIK IKUSI;
ZIJOAN PIZKORKI.

NORANAHI SALTATZEKO
EZ ZEGOEN GAIZKI,
BAINAN HATZAPARRA ZION
KATU BATEK EZARRI
HUMILDU ZAN SARRI.

UPELATEGI

EDAN EZAK GOIZEAN
TXURITIK ONETIK,
ARRATSALDIAN
GORRITIK, HOBETIK,

HALA EGITEN OHI DIAT NIK,
ETA HIK EGIK AHAL BADAGIK,
ON EGINGO DIK.

TXIPIRITONA

PLAZAREN ERDIRA IRTENIK
ANDREA TA GIZONA,
DANTZATU BEHAR DUTE ONGI
BIAK TXIPIRITONA;
ANTZINAKO USARIO HAU
TXIT DA ONA.

ERREBERENTZIA

ERREBERENTZIA
GORPUTZ EGUNEAN
ELIZAN SARTURIK
JAUNAREN AURREAN,
EZPATA BIREKIN
LAUDATU AZ GURE JAUNA
BADA KIGU DANTZATZEN DANA.

ONESTASUN GUZIZ HANDIAREKIN,
LEHENDABIZI JAUNARI AGUR EGIN;
HALA AGINTZEN BAITIGU LEGEAK
ZEREN GAITUEN GUZTIOK BEREAK.

TXAKOLIN

TXAKOLIN, TXAKOLIN,
TXAKOLINAK ON EGIN,
MARITXO, ARINTXO DA MARTINTXO.
ASE NAIZ NAFARREZ,
TXURI GORRI TA BELTZEZ
JARRI NAUTE MINEZ,
GABE ERE ONIK EZ.

MIZPIROTZ

ZURE AITAK ESAN DIT
NERE MAITE POLITA,
MIZPIRAK DAUZKATZULA
USTELTZEN JARRITA,

JANARI GOZOA
DA GUZIZ MIZPIRA,
HOTZ USTELA
PLAZAN SALDUZEN ZAUDELA,
BEGIRA EROSLEAI
BENAZ ETA ERNAI,
GALDUA ZERA BESTELA.

SALMENTA TXARRA DUTE,
MIZPIRA ZIMURRAK,
BIGUNDU ARTERAINO
MAMI TA HEZURRAK.

SALMENTA ONEKOAK
BADIRA MIZPIRAK,
EROSI GABETANIK
GELDITZEN EZ DIRA.

GOZOA ETA PINA,
EGUTERAN EGINA,
EZ DA IZANGO MINA.

IKARATZEN BADITU
HAGIN ETA HORTZAK,
JATEN HASI ORDUKO
MIZPIRA USTEL HOTZAK.

GOZOA DALARIKAN
DITU BERE TATXAK
ARANTZAKIN HOSTO TXIT LATXAK
ZIMURTU EZKEROZTIK
ELKOR ETA MINKATZAK,
BADAKIT DIRANA GAITZAK.

KUIDADO HANDIA BEHAR DU,
ZEREN HELTZEN DA TXIT BERANDU,
SOSOIA EGIN ARTE
HELDUEGIA ERE
EZ BAITA ON BEHIN ERE,

ARRETAZ KONTU EGIN
BEHAR ZAIO MISPIRARI
LANIK ASKO IZANGO BAITA HALA ERE.

ESATEN DIZUT
ZURE ONERAKO,
EZ ZAIZU BADA
SEKULAN DAMUTUKO.

GRAZIANA

AMORIOAK NAUKA
BIHOTZETIK ERI;
ESAN GABETANIKAN
EZIN NENGOKE NI.

PENA BAT, OI, DAUKAT BIHOTZEAN GORDERIK,
GRAZIANA IKUSI NUEN EZKEROZTIK.

AI! HAU PENA TA NAHIGABEA!
MAITETXO, GRAZIANA,
ZUREGANAKO MINA
SARTU ZAT NIGANA.

BADAKITE ZERUAK
MAITE ZAITUDALA;
NERE POZA LITZAKE
BANINDUZUALA.

ZUREGAN DAGO
NERE ONA ETA GAITZA,
EMAN BIHAR DIRAZU HITZA,
BESTELA HIL BEHAR DET
NERE MAITE BIHOTZA.

MAITE IZANGO ZAITUT BETI,
ZUK HALA BIHOTZETIK
BALDIN BANAZU NI.

BELAUN TXINGOA

EUSKAL HERRIETAKO
SOINU EZTI,
IZAN DENA BETI,
GUZIEN GAINETIK,
BILATU DET LURPEAN SARTUA,
BAI ETA AHAZTUA,
ZEREN DAN ZAHARTUBA.

ATERATU BEHAR NUKE PLAZARA,
NEREKIN DANTZARA,
ORAINDIK GAUZA DA,
IKUSIKO DA
ZEIN ATSEGINA,
BIZARRA URDINA
BAINA TXIT ARINA.

EZPATA DANTZA

GAUR EZPATA DANTZARI
AURREN AZKENDARI
KORPUS DA SAN JUAN,
DITUZTELA GOGOAN,
ZALDIBIATARRAK,
GAZTE ETA ZAHARRAK
OHI DABILTZA DANTZAN
BEREN HERRIKO PLAZAN
GOZO EDO MINA
MARTIN DANBOLINA
HARTURIK BEREKIN
ERRIKARDOREKIN,
DANTZARI ARINA
OMEN DA KAPAGINA
JUAN MARTIN,
NIK HORI ONGI JAKIN.
GELDI, GELDI, GELDI
BERDILARIRI
ERABILI KONPASA,
EZ DAKION PASA,
MARTINEK BADAHI,
NOLA ERABAKI,
HAREN ZORTZIKOA
EZ DU LEHENDABIZIKOA
DIEGO BELTZA
ASKO OHI DA ALTXA
HARTURIK EZPATA,
DANTZARI POLIT BAT DA.
HIRU TXIKI ETA
TXIKI-TXIKI
GEHIENEAN AURREAN,
BIAK ALKARREN PARIAN.

A!, NOLAKOA HOLAKOA
DANTZATZEN EZPATA BI
IKUSIRIK NAGO NI,
HAREN HANKA ETA PLANTA,
EZ DA ITXUSIA,
PLAZA ASKO IKUSIA.

ZUBIETA
BADU BETA
DANTZATZEN ZORTZIKOA,
GUZIZ DA PIJOA,
ERMENTARIA
ZER DANTZARIA!
ETA LONGINOS
IKUSI DUT INOIZ.

ETXERIK-ETXE
HAN TA HEMENTXE
GIZONAK ETA MUTILAK.

SALTO TA BRINKO
EGINIK PIJO
HUSTUTZE(N) DITUZTE BOTILAK.

ZEINEK ATXI
HOLAKO PATXI
ERABILTZEN EZPATA.
ZANKOAK ARIN
ORAIN BALDIN
ARRAS GALDU EZ BADA.

ALKATE SOINUA

ALKATE JAUNA, BEDORI
EZAGUTZEN DEGU AGINTARI.
JOSTALDIATU NAHI GENDUKE
BEDORREK ATSEGIN BALUKE
NAHIERARA TA GARBI.

INORI EZ GAITZIK EGIN
IZAN EZ NEZAKEAN MIN,
ATSEKABERIK EZ EMAN NIRI
JOSTATU ZAITEZTE EMEKI
HERRIA POZKIDA DEDIN.

PROZESIOKO SOINUA

GURE JAUNGOIKO MAITATIA
IZANIK ONGILE HAUNDIA
ZERUTIK ETORRI ZAN,
BAI, LURRERA.

ADANEN BEKATU GAIZTOA
SENDATUTZERA
BESTELA GINJOATZEN GALTZERA.
GUZTION JAUN TA JABE ZU ZERA.

EZKONBERRIAK LOTARATZEKO SOINUA

EZKONBERRIAK
POZKIDAZ DAUDE,
POZKIDAZ DAUDE,
EGIN DIRALAKO GAUR
ALKARREN JABE
ELIZAN.
GAUZA EDERRAGORIK
EZIN IZAN,
AI, ORAIN BANENGO
NI ZUEN DITXAN!

HAUR TXIKIAI LO ERAGITEKO SOINUA

HAURTXO TXIKIA NEGARREZ DAGO,
AMA EMAZU TITIA;
AITA GAIZTOA TABERNAN DAGO,
PIKARO JOKULARIA.

**AITA MEAGERREK ARDOARI JARRITAKO
HITZ NEURTUEN SOINUA**

NI NAIZ TXIT GAUZA GOZOA
ETA POZKIDA OSOA,
BELTZA NAIZ TA ZURIA,
ILUNA TA ARGIA,
INDARRA NAIZ TA GARBOA
ETA IZENA DET ARDOA.